

VEDLEGG 1 HNK-SAK 31.01.2017

Innovasjon Norge Sogn og Fjordane
Askedalen 2

6863 LEIKANGER

Føringar for verkemiddelbruk Innovasjon Norge Sogn og Fjordane 2017 Oppdragsbrev 2017

1. Tilsegn om regionale utviklingsmidlar

Fylkestinget løyvde i budsjett 2017 (økonomiplan 2016-2018) 29,9 mill. kr. i rammeløyving til Innovasjon Norge for 2017. Inkludert i dette er løyving til bedriftsretta tiltak (lån, tilskot og etablerarstøtte), og tilretteleggande satsingar innan design, leiarutvikling og internasjonalisering. Midlane kan ikkje nyttast til dekking av administrasjonskostnader utan etter særskilt avtale med fylkeskommunen.

Bruken av midlar som ikkje vert nytta i budsjettåret, skal drøftast med fylkeskommunen.

Hovudutval for næring og kultur handsama i sak /17 føringar for Innovasjon Norge sin verkemiddelbruk for 2017.

2. Overordna føringar for verkemiddelbruk 2017

Bedriftsretta verkemiddel

Fylkeskommunen nyttar Innovasjon Norge (IN) som operatør for den bedriftsretta satsinga. Midlane vert nytta som tilskot til bedrifter, påfyll av tapsfond i samband med utlån og til etablerarordningar. Fylkeskommunen ønskjer at Innovasjon Norge i det bedriftsretta arbeidet tek ei aktiv rolle innafor satsingsområda i verdiskapingsplanen, og skildrar denne aktiviteten i si årlege rapportering. IN skal vidare ta ei aktiv rolle når det gjeld innovasjon og utvikling av ny teknolog. Eit skifte til grøn økonomi skal synleggjerast i IN sitt arbeide. Bedriftsretta initiativ som bygger opp under dette bør prioriterast. IN skal rapportere regelmessig tilbake til fylkeskommunen om desse søknadane. Når prosjekt vert finansiert av IN, skal det rapporterast om måloppnåing.

Samfunnsansvar

Fylkeskommunen ber Innovasjon Norge om å bidra til at potensiale for å auke konkurransevna gjennom auka fokus på samfunnsansvar, vert utnytta, og at miljøprofil og vektlegging av klimatiltak vert sikra ved tildeling av støtte til næringslivet.

Hovudsatsingane innan næringsutvikling i 2017 er dei same som i verdiskapingsplanen:

Næringsnøytrale satsingar

- Nyskaping
- Kunnskap

Bransjeorienterte satsingar

- Sjømatnæringane (havbruk og fiskeri)
- Fornybar energi
- Olje og gass
- Reiseliv
- Landbruksstrategi
- Industristrategi

Innovasjon Norge følgjer opp omstillingskommunane særskilt. Føringane i høve omstillingskommunane vert fremja i eiga sak til hovudutvalet.

Fylkeskommunen ynskjer å stø initiativ knytt til det grønne skiftet. Det er viktig at Innovasjon Norge, gjennom å stø gode prosjekt, kan vere med å løyse ut denne satsinga.

Det vert føresett at Innovasjon Norge Sogn og Fjordane set av tilstrekkeleg ressursar til å følgje opp sin del av arbeidet med dei regionale satsingane og prioriterte næringar.

3. Mål for Innovasjon Norge Sogn og Fjordane sin aktivitet

Delmål 1: Fleire gode gründarar

Sogn og Fjordane treng fleire nyskapande og framtidretta arbeidsplassar. Fylkeskommunen ber Innovasjon Norge prioritere verksemder som bidreg til at dette skjer. Det vert føresett at Innovasjon Norge held fram samarbeidet med fylkeskommunen om etablereropplæring og styrking av kompetansen i det kommunale tiltaksapparatet.

Delmål 2: Fleire vekstkraftige bedrifter

Kunnskapsintensiv verksemd

Talet på arbeidsplassar i kunnskapsintensive næringar skal aukast. Skal fylket lukkast med dette, må det fokuserast sterkare på vekstsentrum og nettverkssamarbeid. Innovasjon Norge må til liks med fylkeskommunen sette innsats og midlar inn der dette vil gje størst effekt, og der resultatet vil ha betydning for eit større bu- og arbeidsområde. I Verdiskapingsplanen sin handlingsplan 2015-2018 har Innovasjon Norge ansvar for gjennomføring av arbeidet med Kunnskapsintensive forretningsmessige tenesteytande næringar. Sjå oppdragsbrev for operativt ansvar Kunnskapsintensive forretningsmessige tenesteytande næringar

Auka bruk av FOU i næringslivet

Det må sikrast ei tettare samhandling mellom virkemiddelapparatet, forskingsmiljøa og næringslivet. Her kan Skattefunn vere eit eksempel. Fylkeskommunen ber Innovasjon Norge ta ei aktiv rolle for å setje FOU på dagsorden i fleire bedrifter og medverke til innovasjon og marknadsorientering. Innovasjon Norge må ha fokus på kunnskapsintensiv og kreativ verksemd uavhengig av bransje. Det er eit langsiktig mål å få til fleire innslag av samarbeid mellom akademia og lokalt næringsliv.

Delmål 3: Fleire innovative næringsmiljø

Innovasjon Norge bør stimulere til meir nettverkssamarbeid og fleire nettverksprosjekt i næringslivet. Erfaringane frå slik organisert samhandling har positive effektar på utvikling og vekst blant deltakande bedrifter. Fylkeskommunen ber om å bli løpande oppdatert om oppstart og avslutning av slike nettverksprosjekt i dialogmøta

4. Koordineringsbehov

I utviklingsarbeidet må vi finne ein god balanse mellom den tilretteleggande aktiviteten som fylkeskommunen tek seg av, og dei bedriftsretta tiltaka gjennom Innovasjon Norge (lån, tilskot og etablerarstøtte). Fylkeskommunen vil peike på at det er Innovasjon Norge som har fagkunnskapen om bedriftsretta satsing. Oppdragsbrevet er difor ikkje altfor detaljert, og skal ikkje automatisk overstyre faglege vurderingar. Gråsonesaker skal drøftast i løpande dialog eller i styringsdialogmøte. Det er utarbeidd eit notat med klargjering av rolledeling mellom IN sine bedriftsretta tiltak og fylkeskommunen sine tilretteleggande tiltak, prinsipp for arbeidsdeling og rolledeling i finansieringssaker mellom Innovasjon Norge og kommunane, og andre presiseringar i høve samarbeidet knytt til kommunalt næringsutviklingsarbeid. Notatet ligg ved.

Eigarrolla som fylkeskommunen har andsynes Innovasjon Noreg vert ikkje omtala her. Denne rolla vert teken i vare gjennom styringsdialogmøta, og i eige notat eller sak til hovudutvalet.

Det er også viktig å koordinere innsatsen gjennom Innovasjon Norge med midlar forvalta av andre aktørar. Dette må avklarast nærare i styringsdialogmøta.

5. Særlege regionale tilpassingar

Verdiskapingsplanen

Regional plan for verdiskaping vart vedteken i juni 2014, og legg føringar for arbeidet fram til og med 2025. Hovudsatsingane innanfor næringsutvikling i 2017 samsvarar med satsingar som er peika på i planprogrammet. Både fylkeskommunen og Innovasjon Norge må sikre nok handlingsrom til å følgje opp planen. Innovasjon Norge har fått ansvar for gjennomføring av arbeidet med «Kunnskapsintensive forretningsmessige tenesteytande næringar».

Presiseringar

Reiseliv

Det vert føresett at Innovasjon Norge følgjer opp satsingane i reiselivsplanen, og tek del i det samordnande partnerskapsarbeidet. Innovasjon Norge har ansvaret for aktørretta innsats. Det vert synt til partnerskapsavtalen om oppfølging av reiselivsplanen og årlege handlingsplanar knytt til planen. Der vil Innovasjon Norge få ei rolle i arbeidet med å medverke til utviklinga av bærekraftige destinasjonar. Fylkeskommunen syner til at styringsgruppa for reiselivsplanen har peika på «vandring» som overordna tema for arbeidet. Tiltak som gjer naturen tilgjengeleg vil vere viktige. Mange slike tiltak vil ha preg av infrastruktur, sjølv om dei vert sette opp i regi av private verksemder. Vi ber om at det vert arbeidd med finansieringsordningar for anleggsinvesteringar knytt til denne satsinga.

Fylkeskommunen ber om at Innovasjon Norge vurderer å støtte forstudiar i førebuinga av større installasjonar som til dømes gondolbaner og besøksanlegg. Fylkeskommunen strekar under at ein må ha god dialog rundt ulike prosjekt som kan ligge i grenseland mellom kommersielle prosjekt og infrastrukturtiltak. Vi ber Innovasjon Norge følgje opp aktuelle tiltak i gjeldande strategiar. Fylkeskommunen viser til tiltak innan miljøsertifisering av bedrifter, mellom anna innan reiseliv.

Energi

Fylkeskommunen og Innovasjon Norge ynskjer saman å satse på energi som tema for utviklingsarbeid, då særleg med tanke på industrialisering (skape nye arbeidsplassar). Arbeidet er avhengig av at dei viktigaste næringsaktørane ynskjer å delta. Innovasjon Norge og fylkeskommunen vil gjennom dialog med desse finne ut om grunnlaget er til stades for ei større satsing.

Sjømatnæringane (Havbruk og fiskeri)

Dei bedriftsretta tiltaka innan sjømat skal verke saman med dei tilretteleggande tiltaka fylkeskommunen arbeider med i 2017. Frå og med 2017 skal avtalen mellom fylkeskommunen og Innovasjon Norge om «Innovasjon og nyskaping i sjømatnæringane» ikkje lenger vere ein del av Verdiskapingsplanen, men vere ein del av dette oppdragsbrevet. Det betyr at fylkeskommunen ynskjer at Innovasjon Norge legg ned ein ekstra innsats innan dette arbeidsfeltet i 2017 og gir oss årlege rapportar. I 2017 har Sogn og Fjordane fylkeskommune ansvar for Vestlandsrådet, og for leiinga av «Vestlandssamarbeidet – Marin satsing» (VestMarin), som vart etablert i 2007. Vi ynskjer at IN her følgjer opp rolla som observatør i arbeidsgruppa, og bidreg med kunnskap der dette er relevant.

Kommuneretta næringsutvikling

Fylkeskommunen ber om at IN framleis engasjerer seg i arbeidet med å styrke dugleiken til kommunar og næringssselskap innan næringsutvikling. Dette skjer gjennom kurs og kompetanseheevande tiltak for næringsmedarbeidarar, samlingar for å samordne næringsinnsatsen og gjennom rådgjeving overfor kommunane i samband med søknader om midlar frå dei kommunale næringsfonda. Fylkeskommunen ber også om at IN tek del i arbeidet med nettstaden Driftig.no og etableraropplæring.

Kulturnæringar

Innovasjon Norge satsar på «kultur og kreativ næring». Vi ber om at Innovasjon Norge Sogn og Fjordane medverkar til å etablere bedriftsnettverk for å styrke enkeltbedrifter som vil satse i Sogn og Fjordane.

Geografisk nivå

Innovasjon Norge skal prioritere innsatsen sin mot levedyktige næringsklynger og større bu- og arbeidsmarknadsområde, men samstundes ta tak i dei verkeleg gode initiativa uavhengig av geografi. Ei samling av hovudinnsatsen i tyngre satsingsområde vil gje meir kraft i dei områda som ein prioriterer høgast.

Brukargrupper – prioriterte målgrupper

Innovasjon Norge har i sin handlingsplan eit særskilt fokus på ungdom og kvinner. Det er viktig at denne satsinga vert vidareført og forsterka også gjennom stimulering av bedriftsetableringar som aukar fylket sin attraktivitet blant ungdom. Når det gjeld kvinnesatsinga til Innovasjon Norge i vårt fylke, har vi registrert god måloppnåing dei siste åra. Kvinner si deltaking i næringslivet på eigarsida, i styrerom og leiing er svært viktig for utviklinga av fylket vårt. Likeeins er det viktig å ha fokus på innvandrarak som ein ressurs både som næringsaktørar og tilsette. Når det gjeld kvinner som prioritert målgruppe vert det sett eit mål om at 40% av verkemidla som Innovasjon Norge er operatør for, skal gå til kvinner.

6. Krav til dokumentasjon av resultat

Rapportering og dialog

Fylkesdirektøren ynskjer ein tett dialog gjennom året med Innovasjon Norge om gjennomføring av satsingane i oppdragsbrevet. Dette går både på administrative oppfølgingsmøter og orienteringar i hovudutvalet. I samarbeid med Innovasjon Norge er det utarbeidd ei "sjekkliste" for tema som skal gjennomgåast i styringsdialogmøta og i årsrapporteringa. Det vert lagt opp til tre administrative styringsdialogmøte (mars/april, september og desember). Fylkeskommunen krev rapportering i tråd med oppdragsbrevet. Fylkeskommunen skal vidare ha ei oppdatering på prosjekt og saker som tidlegare låg til dei regionale styra, men der direktøren i IN no har fullmakt. Dette kan skje ved tilsende lister eller ved linkar der fylkeskommunen finn informasjonen sjølv. Fylkeskommunen skal aktivt trekkast med i drøftinga av Innovasjon Norge Sogn og Fjordane sin handlingsplan.

Innovasjon Norge sine vedtekter §12 omhandlar den regionale dialogen etter at dei regionale styra vart lagt ned. For å ivareta dette er det ønskeleg med politisk involvering gjennom hovudutval for kultur og næring. Dette let seg beste løyse ved at IN og verkemiddelpolitikken vert tema på eit hovudutvalsmøte ein gong for året. Vidare er det ønskeleg at direktøren for Regionar og finansiering i IN møter på eitt av styringsdialogmøta i løpet av året.

Med helsing

Jan Heggheim
fylkesdirektør

Audhild Schaathun
seniorrådgjevar

Brevet er elektronisk godkjent og er utan underskrift

Vedlegg:

Saksprotokoll sak /17 Hovudutval og næring og kultur
Retningslinjer for arbeidsdeling i finansieringssaker

Mottakar (ar)

Innovasjon Norge Sogn og Fjordane, Askedalen 2, 6863 Leikanger

Kopi til:

Tilsette næringsavdelinga